



Pou Piblikasyon Imedya: 13/11/2023

GOUVÈNÈ KATHY HOCHUL

## GOUVÈNÈ HOCHUL ANONSE RÈGLEMAN SIBÈSEKIRITE PWOPROZE POU LOPITAL YO ATRAVÈ ETA NEW YORK

*Règleman pwopoze k ap mennen nan nasyon an sipòte pa 500 milyon dola nan Finansman Teknoloji Enfòmasyon Swen Sante; avanse estrateji sibèsekirite Eta New York la*

**Sibèsekirite amelyore pou ede lopital yo kenbe disponiblité esansyèl sistèm yo pou bay pasyan swen ak pwoteksyon enfòmasyon sante**

Gouvènè Kathy Hochul jodi a te anonse piblikasyon règleman sibèsekiritepwopoze k ap mennen nan nasyon an nan tout eta a pou lopital yo, ki pral ede lopital eta yo etabli règleman ak pwosedi pou pwoteje sistèm swen sante kont menas sibè k ap grandi yo. Bidjè ane fiskal 24 Gouvènè Hochul a gen ladan 500 milyon dola nan finansman ke etablisman swen sante yo ka aplike pou amelyore sistèm teknoloji yo pou konfòme yo ak règleman yo pwopoze yo.

"Mond entèkonekte nou an mande yon defans ki entèkonekte kont atak sibè, pwofite tout resous ki disponib yo, espesyalman nan lopitalyo", **Gouvènè Hochul te deklare**. "Nouvo règleman pwopoze sa yo tabli yon plan kap mennen nan peyi a pou asire Eta New York pare ak rezistan devan menas sibè yo."

Règleman pwopoze yo vize pou ranfòse pwoteksyon rezo lopital ak sistèm ki enpòtan pou bay pasyan yo swen, kòm yon konpleman Règ Sekirite Lwa sou Transferabilite ak Responsablité nan kad Asirans Maladi (Health Insurance Portability and Accountability Act, HIPAA) ki konsantre sou pwoteje done pasyan yo ak dosye sante yo. Dapre dispozisyon ki pwopoze yo, lopital yo pral oblige etabli yon pwogram sibèsekirite epi pran etap ki pwouve pou evalye risk sibèsekirite entèn ak ekstèn, itilize teknik defansiv ak enfrastrikti, aplike mezi pou pwoteje sistèm enfòmasyon yo kont aksè san otorizasyon oswa lòt move zak, epi pran aksyon pou anpeche evènman sibèsekirite anvan yo rive.

**Komisè Sante Eta New York la, Doktè James McDonald, te deklare**, "Nan kad lidèchip Gouvènè Hochul, Eta New York amelyore defans sibè li yo yon fason sinifikatif, sa ki enpòtan anpil pou sistèm swen sante nou an. Lè nou pwoteje lopital yo, nou pwoteje pasyan yo. Pwojè règleman lopital sou sibè sekirite sa yo k ap mennen nan

nasyon an bati sou priorite eta leta Gouvènè a nan ede pwoteje sistèm enpòtan yo kont menas entènèt yo epi asire lopital ak etablisman swen sante New York yo rete an sekirite."

Anplis de sa, règleman yo pwopoze a mande pou lopital yo devlope plan repons pou yon potansyèl ensidan sibè sekirite, ki gen ladan notifikasyon bay pati ki apwopriye yo. Lopital yo pral oblige fè tès plan repons yo pou asire swen pasyan yo kontinye pandan y ap retabli sistèm yo nan operasyon nòmal yo.

Règleman yo pwopoze a mande pou pwogram sibèsekirite chak lopital gen ladan pwosedi alekri, direktiv, ak estanda pou devlope pratik ki an sekirite pou aplikasyon entèn ki gen entansyon itilize pa etablisman an. Lopital yo pral oblige tou etabli règleman ak pwosedi pou evalye, estime, ak teste sekirite aplikasyon ki devlope deyò ke lopital la itilize.

Règleman yo pwopoze a egzije tou pou lopital yo etabli yon wòl Responsab Sekirite Enfòmasyon, si youn pa egziste deja, pou yo ka aplike novo politik yo epi pou yo revize yo epi mete yo ajou chak ane jan sa nesesè. Anplis de sa, règleman yo pwopoze a egzije itilizasyon otantifikasiyon milti-faktè pou jwenn aksè nan rezo entèn lopital la apati yon rezo ekstèn.

500 milyon dola nan finansman an te enkli nan bidjè Ane Fiskal 2024 Gouvènè a epi li pral fè pati yon pwochen apèl pou kandidati pou yon pwogram kapital nan tout eta a, k ap ouvri byento. Lajan sa yo pral ankouraje envestisman nan modènizasyon enstalasyon swen sante yo ansannm ak itilizasyon teknoloji klinik avanse, zouti sibèsekirite, dosye medikal elektwonik, ak lòt amelyorasyon teknolojik pou amelyore kalite swen, eksperyans pasyan, aksesibilite ak efikasite.

Si Konsèy Sante Biblik ak Planifikasyon Sante (Public Health and Health Planning Council) a adopte li semèn sa a, règleman yo pral publiye nan Rejis Eta a nan dat 6 desanm, epi yo pral sibi yon peryòd kòmantè publik 60 jou k ap fini 5 fevriye 2024. Yon fwa yo fini, lopital yo pral gen yon ane pou yo konfòme yo ak nouvo règleman yo.

**Ofisyè Sibènetik an Chèf Eta New York, Colin Ahern, te deklare**, "Nan kad lidèchip Gouvènè Hochul, Depatman Sante (Department of Health, DOH) a ap publiye pwojè règleman sou sibèsekirite ki pral ranfòse pwoteksyon pou sistèm lopital yo atravè eta a. Pwojè règleman sa yo chita sou estrateji sibèsekirite pou tout eta a ke Gouvènè Hochul te publiye nan mwa outla. Kòm lopital yo fè fas ak menas sibè k ap grandi, li enperatif ke nou pèmèt yo defann kont atak yo epi pwojè règleman sa yo ak angajman finansye fè egzakteman sa. Nou pa ka tann pou nou resevwa opinyon publik la pandan 60 jou k ap vini yo anvan nou finalize règleman yo pou sipòte amelyorasyon sibèdefans ak rezistans pou lopital yo nan tout eta a."

Ane pase a, Depatman Trezò Etazini (United States Department of the Treasury, USDOT), Biwo Envestigasyon Federal (Federal Bureau of Investigation, FBI), ak Ajans Sibèsekirite ak Sekirite Enfrastrikti (Cybersecurity and Infrastructure Security Agency) te

avèti ke lopital yo te sib siberatak yo – epi kèk lopital New York te pam sa ke yo te vize yo. Cyberatacks gen yon enpak imedyat sou lopital yo soti nan detounman pasyan yo ak anilasyon pwosedi yo nan yon transfè soti nan dosye elektwonik rive nan dosye papye ki ralanti sèvis enpòtan yo.

Gouvènè Hochul fèk anonse premye [estrateji sibè sekirite](#) New York ki vize pou pwoteje enfrastrikti dijital Eta a kont menas sibè yo jodi a. Estrateji a bay moun ki gen enterè publik ak prive yo yon plan pou diminye risk sibè epi li dekri yon plan pou pwoteje enfrastrikti, rezo, done, ak sistèm teknoloji enpòtan yo.

**Komisè Depatman Sekirite Teritwa ak Sèvis Ijans Eta New York la, Jackie Bray, te deklare**, "Disponibilite sèvis swen sante esansyèl yo enpòtan anpil epi avèk entwodiksyon règleman aktif ak bon sans sa yo, New York ap pran etap enpòtan pou pwoteje pasyan yo, pandan y ap bati yon plan sou sibèsekirite pou rès nasyon an swiv."

**Ofisyen Enfòmasyon Anchèf Eta New York la, Dru Rai, te deklare**, "Nan sa ki gen pou wè ak pwoteje Nouyòkè yo kont atak sibè ki vin pi plis ak plis sofistike, pwoteje lopital nou yo se yon pati esansyèl nan apwòch agresif ak konplè nan tout eta New York la. Nou remèsy Gouvènè a ak patnè ajans nou yo pou angajman kontinyèl yo epi nou kontan dèské lopital eta yo pral jwenn konsèy inifòm ak resous ki nesesè pou amelyore pwòp sibèsekirite pa yo, kidonk sa k ap pwoteje pasyan yo ak sistèm enpòtan ki bay bon jan kalite swen toupatou nan New York."

Mwa pase a, Gouvènè Hochul te pibliye yon [pwoklamasyon](#) ki deziyen mwa Oktòb kòm [mwa sensibilizasyon sou sibèsekirite](#) - ane sa a make 20yèm anivèsè evènman an nan kad yon efò pou angaje ak edike publik la sou sibèsekirite epi bay zouti ak lòt resous pou ede tout Nouyòkè yo rete sou entènèt an sekirite.

Pou plis enfòmasyon, ale sou [sitwèb Gouvènè Hochul pou amelyore sibèsekirite a](#) nan Eta New York, [sitwèb Biwo Chèf Sekirite Enfòmasyon ITS la](#), ak swiv ajans lan sou [X](#), [ansyen Twitter](#), [Facebook](#) ak [Instagram](#) (#NYSCyber).

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418  
Enskri pou w jwenn mizajou Biwo Gouvènè a: [ny.gov/signup](http://ny.gov/signup) | Voye tèks NEW YORK bay 81336

[ANILE ENSKRIPSYON OU](#)